


**OKVIRNI SPORAZUM
ZA NABAVKU ELEKTRIČNE ENERGIJE**



Zaključen između:

1. Općinski sud u Tuzli, ZAVNOBIH BB, Tuzla, kojeg zastupa Dr. sc. Muhamed Tulumović
predsjednik suda (u daljnjem tekstu: **Naručilac**)

Identifikacioni broj: 4209391920002

2. JP Elektroprivreda BiH d.d.-Sarajevo, Vilsonovo šetalište 15, 71000 Sarajevo, IDB:
4200225150005, koju zastupa generalni direktor dr.sci.Sanel Buljubašić i izvršni direktor za
snabdijevanje i trgovinu dr.sci. Nevad Ikanović , (u daljem tekstu **Izvršilac**)

UVODNE ODREDBE

Član 1.

Strane potpisnice ovog Okvirnom sporazumu saglasno konstatuju:

- da je Ugovorni organ u skladu sa Zakonom o javnim nabavkama („Sl. glasnik BiH“ broj 39/14 , 59/22 i 50/24) proveo otvoreni postupak za koji je obavijest o nabavci objavljena na Portalu javnih nabavki dana 01.07.2025. godine, pod brojem: 828-1-1-22-3-17/25, sa ciljem zaključenja okvirnog sporazuma sa jednim ponuđačem na period od 12 mjeseci,
- da je Ugovorni organ svojom Odlukom broj: 032-0-Su-25-000570/8 od 23.07.2025.godine ponudu ponuđača JP Elektroprivreda BiH d.d.-Sarajevo, broj: 04-24691-1/25 od 07.07.2025. godine ocijenio najpovoljnijom za sklapanje okvirnog sporazuma,
- ovaj Okvirni sporazum ne predstavlja obavezu naručioca na izdavanje narudžbenice,
- obaveza nastaje zaključivanjem pojedinačnih ugovora, na osnovu Okvirnog sporazuma.

PREDMET SPORAZUMA

Član 2.

(1) Predmet ovog Sporazuma je utvrđivanje međusobnih prava i obaveza odnosno uslova za nabavku električne energije iz prihvaćene ponude Izvršioca koja je dostavljena po predmetnoj nabavci sa svim dostavljenim dokumentima.

(2) Sastavni dio ovog Sporazuma je ponuda Izvršioca

KOLIČINE I VRIJEDNOST SPORAZUMA

Član 3.

(1) Vrijednost ovog Sporazuma za nabavku električne energije prema količini iz Priloga III, koji je sastavni dio ovog Sporazuma je 69.038,80 KM bez uračunatog PDV-a, (slovima: šezdesetvećiljadatridesetosam i 80/100), odnosno 80.775,39 KM sa uračunatim PDV-om (slovima: osamdesetihjadasedamstosedamdesetpet i 39/100).

(2) Količine koje su date u Tenderskoj dokumentaciji -Prilog III su okvirne, te okvirni sporazum sam po sebi ne utvrđuje obavezu o isporuci i preuzimanju robe.

(3) Tarifni stavovi za električnu energiju iz Obrasca za cijenu ponude su fiksni za vrijeme trajanja Okvirnog sporazuma.

(4) U slučaju da dođe do promjene tarifnih stavova za mrežarinu za korisnike distributivnog sistema ili do promjene naknade za obnovljive izvore električne energije Snabdjevač i Ugovorni organ su saglasni da se primjenjuju novi tarifni stavovi od dana stupanja na snagu istih, a što u istom obimu mijenja ukupne tarifne stavove.

(5) Na iznos obračunate utrošene električne energije i usluge korištenja mreže Snabdjevač će Ugovornom organu obračunati iznos PDV-a i druge primjenjive naknade u skladu sa važećim propisima.

NAČIN PLAĆANJA

Član 4.

Rok plaćanja ispostavljenog računa je:

- a) 15 (petnaest) dana od datuma izdavanja računa ukoliko Naručilac na dan izdavanja računa ima dospjelih obaveza po osnovu isporučene električne energije;
- b) Odnosno 30 (trideset) dana od datuma izdavanja računa ukoliko Naručilac na dan izdavanja računa nema dospjelih obaveza po osnovu isporučene električne energije.

NAČIN I USLOVI ZAKLJUČIVANJA POJEDINAČNIH UGOVORA

Član 5.

(1) Nakon zaključenja Sporazuma, kad nastane potreba Naručioca za nabavkom, Naručilac će s Izvršiocem zaključiti pojedinačni ugovor na određene količine ili za određeno razdoblje prema potrebama Naručioca, a u skladu s odredbama ovog Sporazuma.

(2) Pojedinačni ugovor se zaključuje pod uslovima iz Sporazuma, pri čemu se ne mogu mijenjati bitni uslovi iz ovog Sporazuma.

TRAJANJE SPORAZUMA

Član 6.

(1) Ovaj okvirni sporazum se zaključuje na period od 12 mjeseci, a stupa na snagu danom obostranog potpisivanja i primjenjivat će se od 01.08.2025. godine do 31.07.2026. godine

(2) U slučaju da se ovaj sporazum ne potpiše nakon 01.08.2025. godine, važit će od dana naznačenog u Obavještenju o dodjeli okvirnog sporazuma na portalu javnih nabavki www.ejn.gov.ba do 31.07.2026. godine.

(3) U razdoblju važenja ovog Sporazuma, predviđa se zaključivanje više pojedinačnih ugovora, u zavisnosti od stvarnih potreba Naručioca.

VAŽENJE SPORAZUMA

Član 7.

Nakon zaključenja Sporazuma, njegove odredbe se ne mogu mijenjati osim u slučajevima predviđenim Zakonom o javnim nabavkama.

POVJERLJIVOST

Član 8.

(1) Sve informacije i podaci koje će jedna sporazumna strana učiniti dostupnima drugoj u svrhu izvršavanja odredbi ovog Sporazuma, smatraju se tajnim podacima. Tajni podaci ne mogu se koristiti, osim u svrhe određene ovim Sporazumom, bez izričitog pristanka druge sporazumne strane.

(2) Niti jedna sporazumna strana neće biti odgovorna za otkrivanje ili korištenje podataka koji u skladu sa ovim Sporazumom predstavljaju tajne podatke, a koji su ili već jesu poznati javnosti, osim putem povrede ovog Sporazuma, ili se moraju otkriti na temelju Zakona u skladu sa zahtjevom nadležnih tijela.

(3) Obaveza čuvanja tajnosti podataka iz Sporazuma ostaju na snazi i nakon prestanka važenja ovog Sporazuma. Sporazumna strana koja povrijedi obavezu čuvanja tajnosti podataka iz ovog člana bit će odgovorna za svaku štetu, bez ograničenja, koja je nastala za drugu sporazumnu stranu kao posljedica povrede obaveze čuvanja tajnosti podataka.

RASKID UGOVORA

Član 9.

(1) Ukoliko Izvršilac ne ispunjava svoje preuzete obaveze, Naručilac će ga pismeno pozvati da postupi prema odredbama ovog Sporazuma.

(2) Naručilac jednostrano raskida Sporazum u sljedećim okolnostima, ako:

- a) Izvršilac ne izvrši neku od sporazumnih obaveza i nakon pismenog upozorenja Naručioca;

- b) Izvršilac ne ispuni obavezu u roku navedenom u zahtjevu Naručioca;
c) Izvršilac isporuči robu suprotno tenderskoj dokumentaciji i prihvaćenoj ponudi.
(3) Ako Izvršilac ne postupi prema pisanoj opomeni iz prethodnoga stava ovog člana ni u datom naknadnom primjerenom roku, Naručilac zadržava pravo da jednostrano raskine ovaj Okvirni sporazum.

RJEŠAVANJE SPOROVA

Član 10.

(1) Ugovorne strane su saglasne da će eventualne sporove rješavati sporazumno. U slučaju da ugovorne strane ne mogu riješiti spor dogovorom, iste mogu podnijeti zahtjev za rješavanje spora FERK-u, u skladu sa Zakonom o električnoj energiji Federacije BiH.

(2) Za sporove koji se ne mogu riješiti u skladu sa stavom 1. Ovog člana, ugovorne strane su saglasne da je nadležan sud u Sarajevu.

OSTALE ODREDBE

Član 11.

Na ostala prava i obaveze ugovornih strana, koje nisu regulisane ovim Okvirnim sporazumom, primjenjivat će se odredbe Zakona o obligacionim odnosima, Zakona o električnoj energiji Federacije BiH, Opšti uslovi za isporuku električne energije i drugi zakonski i podzakonski akti koji regulišu predmetnu materiju.


Član 12.

Ovaj Sporazum je sačinjen u četiri (4) istovjetna primjerka od kojih dva (2) primjerka idu Naručiocu, a dva (2) primjerka Izvršioca.


Za Izvršioca:

JP Elektroprivreda BiH d.d.-Sarajevo

Generalni direktor


Dr. sci. Sanel Buljubašić

Izvršni direktor za snabdijevanje i trgovinu


Dr. sci. Nevađ Ikanović

Broj: 01-04-29269-3/25


Datum: 12-08-2025

Za Naručioca:

Općinski sud u Tuzli


Predsjednik suda

Dr. sc. Muhamed Tulumović



Broj: 032-0-Su-25-000570/9

Datum: 01.08.2025. godine

